

გორის №5 სკოლა პრემიერ–მინისტრმა გახსნა

28 სექტემბერი 2016

გორის რეაბილიტირებული №5 საჯარო სკოლა საქართველოს პრემიერ-მინისტრმა გიორგი კვირიკაშვილმა, განათლებისა და მეცნიერების მინისტრ ალექსანდრე ჯეჯელავასთან, აშშ-ის ელჩ იან კელისთან და ათასწლეულის გამოწვევის კორპორაციის აღმასრულებელი დირექტორის მოადგილე ნენსი ლისთან ერთად გახსნა. ღონისძიებას ადგილობრივი ხელისუფლების წარმომადგენლებთან ერთად შიდა ქართლის რეგიონში გუბერნატორის მოვალეობის შემსრულებელი, იოსებ ოქრომელიძეც ესწრებოდა. სკოლის რეაბილიტაცია ათასწლეულის გამოწვევის კორპორაციის მეორე კომპაქტის ფარგლებში განხორციელდა. პრემიერმა სკოლის მოსწავლეებსა და პედაგოგებს განახლებული სკოლის გახსნა მიულოცა და საქართველოსთვის განათლების სფეროში განეული განსაკუთრებული დახმარებისთვის, ამერიკის შეერთებულ შტატებსა და ათასწლეულის გამოწვევის კორპორაციას მადლობა გადაუხადა.